

► *Minister di Cultura dr. Lili Beke Martinez:*

“Restauracion y cuidu di nos monumentonan a tuma un rumbo fiho y concreto”

ORANJESTAD - Dos proyecto importante pa loke ta conservacion di historia di nos pais, ta den proceso na e momentonan aki, cual ta e dos proyectonan di restauracion y recuperacion di monumento den Schelpstraat y esun banda di stacionamento di Arubus na Oranjestad.

Den Schelpstraat e proceso di restauracion y recuperacion di loke tabata conoci como cas di famia Henriquez, ta sigui su curso y ta basta adelanta.

E proceso pa retene e cas antiguo aki den su estructura original ta sigura y ya caba por mira e progreso grandi cu tin na e sitio di construcccion.


E puzzle di e cas historico cu tabata situa banda di Aruba Bank den Caya Gilberto “Betico” Croes, ta sigui ser hinca den otro y varios parti di

e cas a ser hiba pa e sitio nobo banda di e stacionamento di Arubus, caminda e lo sirbi como museo, siendo riba su mes e pieza principal di esaki.

Minister di Cultura, dr. Lili Beke Martinez, ta sumamente satisfecho cu e desaroyonan entorno di e dos proyectonan, caminda gran parti di e historia di Aruba di antes, ta formando su mes un biaha mas.

“E proceso riba su mes ta fantastico, caminda edificionan di un balor historico grandi cu tabata casi perdi, ta ser restaura den nan forma original, caminda nan lo forma parti di e gran coleccion di Aruba su historia. Ya caba varios trabao valioso ta tumando lugar y mientras cu ainda tin un proceso largo nos dilanti pa loke ta cuidu di nos sitio y lugarnan historico.

Otro desaroyo nobo cu nos



por a mira compara cu antes, ta mantencion di e lugarnan aki, y recientemente tur hende por a mira e proceso aki tuma lugar cu e Stadhuis, caminda por cierto Monumenten Bureau Aruba tambe ta situa, y con bunita e man di verf nobo a cambia e aspecto di e lugar.

Dentro di algun luna e

trabaoan den Schelpstraat y na e stacion di bus lo keda cla y ta proyectonan no solamente di un balor historico grandi, pero cu na mes momento lo sigui yuda concientiza nos comunidad, pa cuidu y conservacion di nos edificionan historico,” Minister dr. Lili Beke a mustra.